



NATIONAL SENIOR CERTIFICATE EXAMINATION
NOVEMBER 2016

SEPEDI LELEMETLALELETŠO LA PELE: LEPHEPHE II
SEPEDI FIRST ADDITIONAL LANGUAGE: PAPER II

MARKING GUIDELINES

Nako: Diiri tše 2½

100 meputso

These marking guidelines are prepared for use by examiners and sub-examiners, all of whom are required to attend a standardisation meeting to ensure that the guidelines are consistently interpreted and applied in the marking of candidates' scripts.

The IEB will not enter into any discussions or correspondence about any marking guidelines. It is acknowledged that there may be different views about some matters of emphasis or detail in the guidelines. It is also recognised that, without the benefit of attendance at a standardisation meeting, there may be different interpretations of the application of the marking guidelines.

KAROLO YA A PADI

BOPAPE, H.D.N.: *LENONG LA GAUTA 2008*

POTŠIŠO YA 1

- 1.1
- Go tlo tsebiša Sima ka lehu la Mmatšhego.
 - Go tlo mo kgopela gore a tle gae ka ge tatagwe a hloka thekgo ya gagwe. (2)
- 1.2
- O ile a ipipa sefahlego ka diatla ge a ekwa seboledi se hlaloša ka lehu la Mmatšhego.
 - O ile a lebelela thoko nke o swerwe ke sehlabi.
 - O be a roromela.
 - O be a bonala a tšhogile.
(dintlha tše pedi fela) (2)
- 1.3
- O be a tseba gore mmolai wa Mmatšhego ke mang.
 - O be a tšhošwa ke go lemoga gore mohlomongwe ba tla mo topa nta thekeng gore o a amega.
 - O be a tlaletšwe a sa tsebe gore o tla humana bjang lenong la gauta. (3)
- 1.4
- O be a makatšwa ke go bona ka mo Mpho a sego a dudišega ka gona./O be a nyaka go bona gore Mpho o tšea bjang polelo yeo ya gagwe go Sima. (1)
- 1.5
- (i) Ke gore ga go bonolo go kwešiša motho e le gona o thoma go mmona.
 - (ii) O be a re mogongwe Mpho o tla kgona go mo homotša bokaone go phala ge a ka ba a ile gae ka gore ga go na mogwera goba motho yo a ka dirago seo. (2)
- 1.6
- O ile a kgona go lemoga gore Mpho ga a dudišege ge a le phapošing ya Sima.
 - O ile a kgona go bona letšhogo la Mpho le ge a be a sa tsebe gore o tšhošitšwe ke eng goba o amega bjang polaong ya Mmatšhego.
 - O ile a re go bona Mpho a putuka ka phapošing ya Mmatšhego bošego, a gopola gore o swanetše go mo nyakišiša.
 - O ile a kgona go nyalantšha ditaba tšeo a di humanego pukwanengmoraba ya Mmatšhego le seswantšho sa Mpho seo a se hweditšego ka phapošing ya gagwe (Mpho).
 - O ile a kgona go bona gore koloi ya mmasebotsana e be e mo šetše morago.
 - O ile a kgona go bona le go lemoga gore palamonwana yela a go e humana phapošing ya Mmatšhego ke yona yeo e lego ka ntlong ya batho ba mmasebotsana. (5)

[15]

POTŠIŠO YA 2

2.1 Kgotlelelo le bogale bja Nnono

- O ile a kgotlelela go dula ka mo gare ga thotobolo yeo e bego e tuka mollo kua ga gaboNaniki e le ge a be a sa nyake gore maphodisa ba mmone le go mo swara.
- Le ge a be a tseba gore go kotsi, o ile a boeela Seshego ga gaboNaniki go yo bona le go kwešiša gore go direga eng ka ge a letše a hlasetšwe gona.
- Le ge Mna Maleka a mo kgopela gore a tlogele go nyakišiša ka ga molato wa polao ya Matšhego ka ge go le kotsi, o gana go tlogela.
- Le ge maphodisa ba mo hloriša ebile ba mo kgala gore a tlogele go nyakišiša molato wo, yena o a gapeletša ka ge a be a lemogile gore o mohlaleng wa babolai.
- Le ge a lemoga gore o šetšwe morago ke batho bao a sa ba tsebego, ga a tšhoge, o no tšwela pele.
- O šala banna ba koloi ya mmasebotsana morago e le ge a nyaka go bona gore ba dula kae.
- O tsena ntlong ya banna ba koloi ya mmasebotsana ba se gona a sa tsebe gore maemo a bjang ka gare.
- Le ge a bethilwe ka karatšheng lapeng la gagwe bošego, ga a tlogele go tšwela pele ka dinyakišišo.
- O lwa le Nakedi ka gare ga sefatanaga nakong ya ge ba kitimiša Brenda gomme o no tšwela pele ka go otlela.
(*Dintlha tše tlhano fela*)

(5)

2.2 TIKOLOGO YA LENONG LA GAUTA

Karabo e ka tšwelela ka tsela tše pedi go ya le ka fao go laetšwago dikarabong tše:

A Teori

Nako le lefelo ke dikokwane tše bohlokwa kudu tša tikologo. Gantši mongwadi ge a ngwala puku o hlola lefelo leo ditiragalo di diregago go lona. Ga a be le lefelo fela eupša o tšweletša le nako yeo ditiragalo di diregago ka go lona. E ka ba mehla ya kgale goba ya sebjalebja. Tše ka moka di bopa tikologo ka botlalo.

(2)

Tikologo ya Lenong la Gauta:

Ke ya sebjalebja ka ge baanegwa ba dira ditiragalo tša sebjalebja mo tikologong ya sehono.

- Ke motsesetoropo ka ge go na le dikoloi.
- Meago ke ya sebjalebja ka ge go na le dikaratšhe tša go phaka dikoloi go etša ge Brenda a rile go boa ka masa a e phaka ka karatšheng.
- Go na le baletakgoro ba bošego Gauteng-Matsobane.
- Brenda le Nakedi Maoka ba be ba no itulela bjalo ka monna le mosadi etšwe ba se ba rerwa ke batswadi ba bona le meloko mobapi le tša ga nyalana e lego seo bontši bja batho ba mehlang yeno ba se dirago gagolo ba go dula metsesetoropong.
- Go na le maphodisa-matseka ao a hlahlilwego ka taba ya botseka e lego boSersanta Maroga go laetša gore ke ya sehono.

- Go laetša gore ke ya selehono Brenda o dutše le Nakedi, ga se monna le mosadi ka lenyalo, morago a nyalwa ke Nnono Molaba mola Mmatšhego le yena a be a nyetšwe ke Nkwe Maleka yoo a bego a hlokofaletšwe ke mosadi. Taba yeo e a diragala mehleng yeno, ka baka la ditokelo.
- Karatšhe ya Nkwe Maleka e lego Maleka Service Centre e tloga e bontšha gabotse gore ke tikologo ya sebjalebjae ka ge tša mohuta woo di le gona mehleng yeno.
- Tsela yeo Mmatšhego a bolailwego ka gona, e hlatsela go ba ya selehono ka ge mehleng ye go atile bosenyi bja mohuta wona woo, ka mo nageng ka kakaretšo.
- Tšona dipolayano tša mohuta woo, ke bjona bomenetša bja batho ba selehono e lego dipolayano tšeo di sa kwešišagalego.
- Go laetša gore tikologo yeo e tšwelelago mo ke ya sebjalebjae, go tšweletšwa moya wa bonaba le babolai ntle le kwelobohloko.
- Go na le matšhošetši ebile go bolelwa ka maphodisa le dinyakišišo gape le go se hlomphanwe.
- Go ya ka dintlha tšeo di filwego ka godimo, go molaleng gore tikologo ya paditseka ye, ke ya sebjalebjae.
(Efa dintlha tše 8 fela)

(8)

GOBA

PADI: LENONG LA GAUTA – H.D.N. Bopape

Mohlala wa karabo:

B Teori: Tikologo

Tikologo ya sengwalo ke lefelo la ditiragalo tša baanegwa ka nako ye e rilego. Ka go realo go ka thwe tikologo e lebane le nako le felo. Go na le mehuta ye mebedi ya tikologo, e lego tikologo ya sebjalebjae le ya segologolo. Yona mehuta ye e laowa ke diteng tša sengwalo. Ge go bolelwa ka ga tikologo ya sebjalebjae ka gare ga sengwalo, go šupša gore diteng tša sengwalo seo di lebane le ditaba tša sebjalebjae tšeo di hwetšwago mafelong a sebjalebjae, nakong ya sebjalebjae. Go ka bolelwa ka mafelo a go swana le ditoropong fao go nago le ditsela tša sekontiri, dikoloi, dikhomphutha, dišupanako, meago ya malekeleke, bjalobjalo. Mo tikologong ya segologolo diteng di lebane le ditaba tša segologolo tšeo di diregago mefelong a bogologolo ka nako ya bogologolo. Ditaba tšeo di lebane le bogoši, boloi, go ahlola melato, masolo a go tsoma, dintwa tša marumo, bjalobjalo. Tikologo e arotšwe ka dikarolo tše tharo, e lego nako, lefelo le leago.

(2)

Tikologo ya Lenong la gauta

Tikologo ke ya sebjalebjae.

Nako:

Bošego: Nnono o bethwa ka karatšheng.

Mosegare: Nnono o etela ga boNaniki.

Mesong: Nnono o tsogela karatšheng go ya go godiša bašomedi.

Lefelo:

Seshego: Nnono o ya ga boNaniki.

Mankweng: Mmatšhego o bolaetšwe gona.

Seteišeneng sa maphodisa: ke mo go šomago Sersanta Maroga.

Yunibesithi ya Leboa: Mo go bego go tsena Mpho le Sima.

Makgobaskloof: Mo Brenda a hlokofaletšego gona.

Gauteng: Mo Mmatšhego a bego a dula gona.

Leago:

Ditragalo pukung ye di kgatlampana metsetoropong, Seshego le Mankweng, moo mongwadi a re kopantšhago le Brenda le Nnono ba le ngwakong wa bona wa kgoparara, wo o nago le dikaratšhe, phapoše ya bohlapelo moo Nnono a bulelago meetse a go fiša.

- Bobedi bo na le difatanaga, le difatanaga tša baanegwa ba bangwe mohlala, Escort ya boNakedi.
- Ngwako wa Mna. Maleka ke wa mabaibai wa go ba le serapa sa merogo le matšoba wa kgoparara.
- Go dirišwa megala go romela melaetša. Kwete o leletša Nnono mogala a mmotša ka tša polao ya Mmatšhego.
- Maphodisa a tsebišwa ka ga polao ya Mmatšhego.
- Ditlelereke di šoma diofising tša mmušo wa Lebowa.
- Ditaxi le dipese di nametša batho.
- Mmatšhego o be a amogela mangwalo a go tšwa Tshwane le Gauteng.
- Go bapalwa sebaladirekhotso/theipi/seyalemoya, mmino ke wa Brook Benton (*Lie to me*).
- Brenda o rwele palamonwana ya taamane, pheta ya gauta ya sebopego sa lenong le dibenyabje tše dingwe.

(8)

[15]

POTŠIŠO YA 3

Moithuti o tla ngwala poledišano ya maleba magareng ga Nakedi le Sersanta Maroga nakong ya ge ba be ba le setišing sa maphodisa.

Diteng tša maleba tša go laetša tsebo ya ditiragalo tša puku. (8)

Sebopego sa maleba sa poledišano sa go ba le ditaetšosefala. (2)

Diteng tša poledišano di be le dintlha tše di latelago:

- Sersanta Maroga o botša Nakedi gore o swanetše a mmotše ditaba ka botlalo le gona a bolele nnete fela ka ge bagwera ba gagwe ba šetše ba boletše nnete.
- Nakedi o boletše gore Matsobane, o be a nyetše Mmatšhego ebile e be e le tatagoMpho.
- Matsobane ke yena yo a ba seboditšego ka lehumo le gomme taba ya manyami ke gore ba ile ba swarwa ba ya kgolegong morago ga go le utswa.
- Matsobane o ile a hlokofalela kgolegong ka ge a be a thuntšhitšwe nakong ya ge ba elwa le maphodisa pele ba swarwa, e le ka lebaka la bogwahla.
- Mmatšhego o ile a tšhaba ka lehumo la bona ge ba sa le kgolegong ba se tsebe gore o ile kae.
- Mpho ke yena yo a utollotšego Mmatšhego ge a be a le yunibesithing.
- Nakedi o boletše nnete ya gore ba tšile mo Mankweng go tlo nyaka lehumo la bona go Mmatšhego.
- Ba ile ba wela Brenda yoo ba bego ba sa tsebe gore o kae.
- Brenda o ile a ba tshepiša gore o tla yo tšea lenong la gauta go Mmatšhego.
- E be e se maikemišetšo a bona go bolaya Mmatšhego.
- Brenda o ile a dira phošo ka go bolaya Mmatšhego.
- Bona ba be ba le tseleng ya go boela Gauteng ka ge bjale ba humane seo ba bego ba se nyaka.

(Dintlha tše seswai fela)

[10]

POTŠIŠO YA 4

Thulaganyo ya *Lenong la Gauta*

Thulaganyo ke tatelano ya ditiragalo go thoma tšweletšong ya bothata go fihla go tharollo ya bjona. Thulaganyo e bonišha peakanyo ya ditiragalo tšeo mongwadi a di logaganyago ya go tšweletša kgopolokgolo ya sengwalwa. Go ba le peakanyo ya tatelano ya maleba go tšweletša kalotaba, tšwetšopele, sehloa le tlemollahuto.

(2)

Kalotaba

Kalotaba e ra gore matseno – moo ditiragalo di thomago gona. E felela ka thulano ya mathomo. Mo mongwadi o tšweletša baanegwa le tikologo ya bona.

Nnono Molaba le mogatšagwe Brenda ba ntlong ya bona. Tikologo ke ya mo motseng wa Mankweng mo Mna Molaba a šomago bjale ka molaodi karatšheng ya Maleka Service Centre. Mna Maleka, tatagoBrenda e lego yena mong wa karatšhe ye, o agile ntlo ya kgoparara gona mo motseng wa Mankweng. Mogatšagwe o rile go hlokofala, a nyala mosadi yo mongwe yo a bego a etšwa Gauteng. Sima, e lego morwedi wa bobedi wa Mna Maleka o tsena Yunibesithing ya Lebowa ye e lego gona motseng wa Mankweng.

(3)

Dithulano/Dikgakgano

- **Nnono o thulana le banna ba sefatanaga se sehubedu:**

Nnono o šalwa morago ke sefatanaga sa Ford Escort se sehubedu. Ga se a kgona go bona difahlego tša batho bao. Mantšiboa ao ge a fihla gae o ile a humana manaba a mo letile ka karatšheng ya gagwe gomme ba mmetha. Ga se a ka kgona go itwela ka ge e be ele ba babedi. Ka ge e be e le banna ba dinatla, ba ile ba mo kukela godimo gore maoto a gagwe a šale a lekeletše gomme ba mo lahlela fase a ruthagana. Ba ile ba mo laela gore a tlogele merero yeo e sego ya mo swanela. Nnono o ile a makala ge a humana Brenda ka phapošing ya borobalo. Ge Nnono a mmotšiša gore o be a ile kae bošego ge maotwana a koloi a boile a kgamathetše mabu, o ile a mo tšeiša phefo ka go mmotša gore yena ga a na bana ba go mo tloša bodutu.

- **Nnono o lwa le Mpho lesogana la Sima:**

Nnono le Brenda ba ile ba yo robala ga Mna Maleka. Nnono o ile a lwa le Mpho ka matsogo lebaka e le ge a be a mmotšiša gore o tliho nyaka eng mo ga Maleka. Nnono o ile a mmotšiša le gore Matsobane Maoka ke mang. Morago ga ntwana ya bona, Nnono o ile a utolla gore Mpho, leina la gagwe la nnete ke Motlhatlego Maoka, e lego morwa wa mohu Matsobane Maoka, monna wa Mmatšhego wa pele. O ile a utolla le gore Mpho o be a nyaka Lenong la Gauta fela manyami ebile gore o ile a idibala pele a hlaloša gore Lenong la Gauta ke eng. Nnono o kgakanegong ya gore lenong ke selo mang. O ile a gopola gore o bone ntsekana ya pampiri e ngwadilwe 'Lenong la Gauta'. Nnono o ile a betha Mpho go fihlela a idibala.

- **Banna ba sefatanaga se sehubedu ba senyetša Nnono dithoto tša gagwe ka ntlong:**

Nnono o ile a humana molaetša wa gore Mna Molapo o kgopela go mmona. Mna Molapo o ile a mmotša gore letšatši lela ba etšwa Mmasealama, sefatanaga se be se sentšwe ke banna ba sefatanaga sa Ford Escort. O ile a gopola gore ba swanetše go ba ba na le morero woo ba nyakago go o phetha ba sa tshwenywe ke motho. Ba tsebile gore Nnono o tla ya a lokiša sefatanaga seo. Nnono ge a fihla gae a humana ntlo ya gagwe e hlasetšwe, go gagotšwe dikobo, malao, disofa, dibjana le tšona di pšhatlilwe.

- **Nnono o lwa le banna ba sefatanaga se sehubedu Seshego:**

Nnono a kitimiša mmasebotsana (sefatanaga sa Ford Escort) ka thekisi gomme o bona ntlo yeo ba dulago go yona Seshego. O ile a boa gomme a tsena ka lefastere ba sa tšwele. A humana pampišana e ngwadilwe 'Lenong la Gauta', le palamonwana ya go swana le ya Mmatšhego a di lokela ka potleng. A kgona go fenya ntweng ya mahlomahubedu ye a e lwelego le yo mongwe yo a mo humanego a sa putuka. A kgona go mo fenya ka patla ya leswielo yeo a e humanego ka fao. Sefatanaga sa mmasebotsana sa boa, a kgona go tšwa a tšhaba. Monna yo wa mmasebotsana a kitimiša Nnono ka sefatanaga, a mo pitlaganya le maboto. O be a se na kgetho fela a kgona go bula sefatanaga seo ka pele a gotetša mollo a se tšhuma.

• **Nnono o lwa le Brenda ntlong ya Mna Maleka:**

Ge a boela ga Mna Maleka o ile a leba phapošing ya Mna Maleka. Go be go na le batho ba bantši ba hlabile mašata. Monnamogolo o ile a tlogela Nnono ka phapošing a re o sa yo bona morwarragwe. Nnono o ile a humana sebaka sa go bula rakana ya Mna Maleka ya dino. Ge a bula diterowara tša rakana o ile a humana pheta ya go phadima ka rakaneng ya Mna Maleka. Brenda o mo humana a sa e swere gomme a tšhoga. Brenda o thoma le go mmotšiša gore o reng a betha Mpho. Ba fetolana ka mantšu, Nnono a ba a hunu matswele ka moo a bego a befetšwe ka gona. Ge a etšwa monnamogolo a tsena. Brenda o letše a lla bošego ka moka, ge go esa ka iri ya boselela a sepela, mosegare ka moka ba sa tsebe gore o kae. Nnono ge a eya gae a humana sefatanaga se se gona fela diaparo tša gagwe di le gona. Ge a boela mathapama o ile a mo humana.

(10)

Tharollo/Tlemollo ya lehuto

Ke mafelelo a ditaba

Sefatanaga sa Brenda se be se lebile sekhutlong sa go šiiša. Brenda o rile ge a re o sekama le sekhutlo, sefatanaga sa tšwa tseleng sa thula leswika, sa menoga gomme sa wela ka leopeng, sa swara mollo. Go be go bonala muši fela ge Nnono a kitimela leribeng leo Brenda a wetšego gona. Ka mahlatse, lephodisa la mo swara pele a ka itahlela go šala moratiwa wa gagwe morago. Ka morago go ile gwa bonala kgabo ye kgolo ya mollo ge sefatanaga sa Brenda se eswa.

Maphodisa a ile a swara boNakedi ka ge e le babolai. Nnono o ile a lokollwa gomme a ya gae.

(3)

Polelo e tla abelwa meputso ye mebedi.

(2)

[20]

60 meputso

KAROLO YA B DINGWALWAŠOMIŠWA

POTŠIŠO YA 5

5.1 RUBRIKI YA ATHIKHELE YA KGATIŠOBAKA

		Khoutu 7	Khoutu 6	Khoutu 5	Khoutu 4	Khoutu 3	Khoutu 2	Khoutu 1
Moithuti:	Meputso [30] Kelo	O kgonne go fihlelela ditekolo ka botlalo 100–80%	O fihleletše ditekolo ka botlalo 79–70%	O fihleletše bontši bja ditekolo 69–60%	O lekile go fihlelela bontši bja ditekolo 59–50%	O fihleletše tše dingwe tša ditekolo 49–40%	O paletšwe ke go fihlelela bontši bja ditekolo 39–30%	O paletšwe go fihlelela ditekolo 29–0%
DITENG Diteng di sepelelana le hlogo	15	Meputso 15	Meputso 14–13	Meputso 12–11	Meputso 10–9	Meputso 9–8	Meputso 8–7	Meputso 6–0
SEBOPEGO Sebopego sa maleba le botelele bjo bo lekanetšego go ya ka mohuta wa sengwalwana	6	Meputso 6	Meputso 5.5	Meputso 5	Meputso 4	Meputso 3	Meputso 2	Meputso 1–0
SETAELE LE POLELO Retšistara, segalo, mohola, tlotlontšu, tthamo ya mafoko le mopeleto, maswaodikga, tšhomišo ya polelo ya maleba	9	Meputso 9	Meputso 8	Meputso 7	Meputso 6	Meputso 5	Meputso 4	Meputso 3–0

5.2 RUBRIKI YA LENGWALO LA SEGWERA

Moithuti:	Meputso [30]	Khoutu 7	Khoutu 6	Khoutu 5	Khoutu 4	Khoutu 3	Khoutu 2	Khoutu 1
		O kgonne go fihlelela ditekolo ka botlalo	O fihleletše ditekolo ka botlalo	O fihleletše bontši bja ditekolo	O lekile go fihlelela bontši bja ditekolo	O fihleletše tše dingwe tša ditekolo	O paletšwe ke go fihlelela bontši bja ditekolo	O paletšwe go fihlelela ditekolo
		100–80%	79–70%	69–60%	59–50%	49–40%	39–30%	29–0%
<p>A. SEBOPEGO</p> <p>1. Atrese ya mongwadi le letšatši di ngwalwe gabotse (Khoneng ya letsogo la go ja godingwana). Ga go šomišwe maswaodikga. Letšatšikgwedi le ngwalwa ka mantšu. Mohlala: 3 Matšhe 2004.</p> <p>2. Madume: Leina la mogwera fela/Sereto sa gagwe. Ga go šomišwe maswaodikga. Madume a ngwalwa ka letsogong la ngele mothaladi o tee ka fase ga atrese.</p> <p>3. Mafelelo/bofelo go šomišwa tlhakagolo ya mathomo, gomme bofelo bja laetša segwera magareng ga mongwadi le mongwalelwa. O šomiša leina la gago wena mongwadi/sereto sa gago, ga o šomiše maswaodikga.</p>	9	Meputso 9	Meputso 8	Meputso 7	Meputso 6	Meputso 5	Meputso 4	Meputso 3–0
<p>B. DIKAGARE/DITENG</p> <p>O se fapoge tabeng ye o swanetšego go ngwala ka yona. Diteng e be tše di kgahlišago. Go laetšwe kwešišo ya seo go ngwalwago ka sona. Morero wa lengwalo o fihlelelwe.</p>	15	Meputso 15	Meputso 14–13	Meputso 12–11	Meputso 10–9	Meputso 9–8	Meputso 8–7	Meputso 6–0
<p>C. SETAELE LE POLELO</p> <p>Temana ye nngwe le ye nngwe e hlaloše ditaba tša yona. Mafoko a be a hlamilwego gabotse le tšhomišo ya maleba ya maswaodikga. Mopeleto le tlotlontšu e be tša maleba. Kgetho ya mantšu e be ya maleba ye e laetšago segwera/kwelobohloko/go amega/go hlohleletša/go nyama/go thaba kudu bj.bj.</p>	Meputso 6	Meputso 6	Meputso 5.5	Meputso 5	Meputso 4	Meputso 3	Meputso 2	Meputso 1–0

POTŠIŠO YA 6

6.1 RUBRIKI YA PHOUSTARA/PHOSETARA

Moithuti:	Meputso [10]	Khoutu 7	Khoutu 6	Khoutu 5	Khoutu 4	Khoutu 3	Khoutu 2	Khoutu 1
		O kgonne fo fihlelela ditekolo ka botlalo	O fihleletše ditekolo ka botlalo	O fihleletše bontši bja ditekolo	O lekile go fihlelela bontši bja ditekolo	O fihleletše tše dingwe tša ditekolo	O paletšwe ke go fihlelela bontši bja ditekolo	O paletšwe go fihlelela ditekolo
		100–80%	79–70%	69–60%	59–50%	49–40%	39–30%	29–0%
DITENG Go bapatšwa eng, morero wa papatšo, tshedimošo ka botlalo, e kwalakwatšwa kae.	3	Meputso 3	Meputso 2.5	Meputso 2	Meputso 2	Meputso 1.5	Meputso 1	Meputso 1–0
SEBOPEGO Hlogo ya papatšo, fonte ya go fapana, tšhomišanommogo ya leihlo le kgatišo.	3	Meputso 3	Meputso 2.5	Meputso 2	Meputso 2	Meputso 1.5	Meputso 1	Meputso 1–0
SETAELE LE POLELO Papatšo e dire boipiletšo, polelo ya go lebišwa go moreki, e kgona go fihlelela mo e lebantšwego, e thopa šedi ya molebeledi, tlotlontšu, tlhamo ya mafoko le mopeleto, maswaodikga le tšhomišo ya polelo ya maleba.	4	Meputso 4	Meputso 3.5	Meputso 3	Meputso 2.5	Meputso 2	Meputso 1.5	Meputso 1–0

6.2 **RUBRIKI YA EMEILE**

		Khoutu 7	Khoutu 6	Khoutu 5	Khoutu 4	Khoutu 3	Khoutu 2	Khoutu 1
Moithuti:	Meputso [10] Kelo	O kgonne go fihlelela ditekolo ka botlalo 100–80%	O fihleletše ditekolo ka botlalo 79–70%	O fihleletše bontši bja ditekolo 69–60%	O lekile go fihlelela bontši bja ditekolo 59–50%	O fihleletše tše dingwe tša ditekolo 49–40%	O paletšwe ke go fihlelela bontši bja ditekolo 39–30%	O paletšwe go fihlelela ditekolo 29–0%
DITENG Molaetša wo mokopana wa maleba, maikutlo a mongwadi.	3	Meputso 3	Meputso 2.5	Meputso 2	Meputso 2	Meputso 1.5	Meputso 1	Meputso 1–0
SEBOPEGO Leina la moromedi, atrese ya moromedi, atrese ya moromelwa, letšatšikgwedi.	3	Meputso 3	Meputso 2.5	Meputso 2	Meputso 2	Meputso 1.5	Meputso 1	Meputso 1–0
SETAELE LE POLELO Mafoko a go hlangwa gabotse le maswaodikga ke a maleba, tlotlontšu, tlhamo ya mafoko le mopeleto, maswaodikga le tšhomišo ya polelo ya maleba.	4	Meputso 4	Meputso 3.5	Meputso 3	Meputso 2.5	Meputso 2	Meputso 1.5	Meputso 1–0

40 meputso

Palomoka: 100 meputso